

Rumuni pali u grotlu Bilina Polja: BiH - Rumunija 2:1

27/03/2011 13:55 by Administrator

Reprezentacija Bosne i Hercegovine, savladala je večeras u Zenici na stadionu Bilino Polje selekciju Rumunije rezultatom 2:1. U fenomenalnoj atmosferi koju su napravili navijači naše reprezentacije Rumuni su se igrali izbijanja lopti dok je naša reprezentacija apsolutno imala nadmoć u svim segmentima igre.

Imali su naši Zmajevi u prvih pola sata nekoliko izglednih prilika za postizanje gola, no nismo imali sreće da zatresemo mrežu Rumuna.

U 29. minuti hladan tuš. Rumuni iz jedine prave akcije koju su stvorili dolaze u prednost od 1:0. Loptu je na nekih desetak metara od gola odlično primio Ciprian Marica te je sjajno matirao Hasagića za vodstvo gostiju.

Ipak, naši reprezentativci nastavljaju igrati svoju igru. Imali smo još par poluprilika do kraja prvog poluvremena no naša žalost bez ušinka.

Drugo poluvrijeme ponovo započinje inicijativom naših fudbalera. Sjajna igra Zmajeva isplatila se u 63. minuti utakmice.

Nakon slobodnog udarca Misimovića, Vedad Ibić se sjajno snalazi u kaznenom prostoru, te skokom pored visokih igrača Rumunije postiže gol za izjednačenje.

U posljednjih petnaest minuta totalna ofanziva prema голу Rumuna. Naši momci su izgarali na terenu za svaku loptu a upornost se isplatila u 83. minuti kada nakon kornera Pjanića Edin Džeko sjajno reaguje te glavom postiže gol za velika tri boda naše reprezentacije.

Sve u svemu, odlična predstava naše reprezentacije. Selektoru Sučiću i svim fudbalerima našeg izabranog tima čestitamo na velikom trijumfu.

Bosna i Hercegovina-Rumunija 2:1 (Ibić 63, Džeko 83; Marica 29)

Izvor vijesti: Sportin.ba